



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani

**Brunner, Andreas
Pfeffer, Wilhelm**

Antverpiæ, [1659 erschienen] 1660

S. Galaganvs C. 3. Decembris.

urn:nbn:de:hbz:466:1-42032

bulam THEODVLVS, & lætus iterum conscendit
colamnam suam paulò post ex hac in vicinum
caelum transcendit. Ex Menais.

*Initium omnis peccati & causa totius perditionis
superbia: propterea quisquís es, qui salutem tuam ope-
rari studes, aduersus hanc signum crucis super caput
tuum habere memèto, ut non eleueris in superbiam,
ut non exaltetur cor tuum. S. Bern. serm. 2. de S.
Andr.*

S. GALGANVS C. 3. Decembris.

Voluptatibus primò GALGANVS militavit,
tum Christo, D. Michælis ductu, qui tertio
dormientem monuit, è veterno vt surgeret, &
cum somno vitia excuteret. At ut porro male
dormiret, mater & amici thalamū obtrudere la-
borabant virginis formā & diuitiis inclytæ. Ad
hanc cum visum irer, equiti suo frenū equus inje-
cit, contraque omnia calcaria contumax pedem
proferre medio in itinere negavit, diserte tandem
cum asinā Balaami locutus, quò minùs progrede-
retur, ab Angelo se prohiberi. Contra tot stimu-
los calcitrare cum equus non posset, neq; homo
jam voluit, sed damnatis nuptiis, eo ipso in mon-
te (in quo & equi & miraculi vestigia hodieque
visuntur) castra sua novus miles, hoc est cellam
posuit, primumque trophæum de se, crucem in-
quam ex ense suo inibi deaxit. Pugnatum deinde
sæpius, & sæpius oreus fugatus. Illud plenum pe-
riculis prælium fuit, cum proditum à venatore (et
vestes suas GALGANVS & equum dederat) inopi-
nantē mater & sponsa oppresserunt. Constatit ta-
men sibi, & tunc etiā victor matrē Deo se dedere,
sponsam

sponsam etiam castitati, potentissimis verbis coëgit. Exinde cum Romam profectus fuisset, qui casam Divi exusserunt hostes, malè omnes perierunt, & id ipsum Pontifici, cum fieret, Romæ G A L G A N V S narravit. Redux deinde ad beatam missionem illis verbis à Deo vocatus est: *Satis est quod laborasti; metes nunc quod seminasti.* Quin igitur & tu laboras, nec parcâ manu rectè facta seminas? Ibi certè falcem suam in alienam messem nemini licebit mittere. *Ex Ferrar.*

Laqueus est mundus, qui voluptatibus & opibus, velut escis, objectis, allicit atque capit incautos, & secum trahit in nassam interitû. Unde vix possibile videtur, ut, qui mundi legibus vivit, immaculatus hinc emigret. Hugo Philonius de Scient. bene mor.

S. ANNO EPISC. 4. Decembris.

ANNONEM à puero pater suis, hoc est militariis, studiis imbuir. Abhinc avunculo auctore à Marte ad Musas honestissimâ defectione transivit. Iam Musæ commendarunt Henrico III. Imp. qui eum inter Palatinos suos adlectum mox insulâ Colonienfi donavit. Hâc ornatus ad concionem numquam sine lacrymis auditus est; quod fuisse signum veluti omnium singultibus daret. Diutius cum afflueret, saepe tamen nec obulum ipse, omnia pauperes habebant, quos ille velut thesauros suos (& erant) secum circumducebat, pater idem horum, & mater pupillorum. Aedes xenodochii unas, monasteriorum condidit & amplissimè dotavit quinque, non morituras filias. Libertatis Ecclesiasticæ egregius propugnator insulam nulli, neque adeò, à quo eam acceperat, Casari submittebat, juris quàm vitæ appetentior. Sed